


土岐文庫
文庫17
W197
1



文庫 17
W197
1



日本政記

01018518 673

賴氏藏版

昭和十年二月一日
立教書庫氏寄贈

日本政記目次

卷之一

- | | |
|------|------|
| 神武天皇 | 綏靖天皇 |
| 安寧天皇 | 懿德天皇 |
| 孝昭天皇 | 孝安天皇 |
| 孝靈天皇 | 孝元天皇 |
| 開化天皇 | 崇神天皇 |
| 垂仁天皇 | 景行天皇 |
| 成務天皇 | 仲哀天皇 |

日本政記目次

應神天皇

仁德天皇

卷之二

履仲天皇

友正天皇

允恭天皇

康安天皇

雄略天皇

清寧天皇

顯宗天皇

仁賢天皇

武烈天皇

繼體天皇

安閑天皇

宜化天皇

欽明天皇

敏達天皇

川明天皇

崇峻天皇

推古天皇

舒明天皇

卷之三

皇極齊明天皇

孝德天皇

皇極齊明天皇

天智天皇

天皇大友

天武天皇

持統天皇

文武天皇

卷之四

元明天皇

元正天皇

聖武天皇

稱德孝謙天皇

廢帝

稱德孝謙天皇

卷之五

光仁天皇

桓武天皇

平城天皇

嵯峨天皇

淳和天皇

孝德天皇

卷之六

仁明天皇

文德天皇

清和天皇

陽成天皇

卷之七

光孝天皇

宇多天皇

醍醐天皇

朱雀天皇

村上天皇

冷泉天皇

圓融天皇

花山天皇

卷之八

一條天皇

三條天皇

後一條天皇

後朱雀天皇

後冷泉天皇

卷之九

後三條天皇

白河天皇

堀河天皇

鳥羽天皇

崇德天皇

近衛天皇

後白河天皇

二條天皇

六條天皇

今上天皇

如卷之十

朱雀天皇

高倉天皇

安徳天皇

後鳥羽天皇

土御門天皇

卷之十

順徳天皇

九條廢帝

後堀河天皇

四條天皇

後嵯峨天皇

後深草天皇

龜山天皇

後宇多天皇

伏見天皇

後伏見天皇

後二條天皇

花園天皇

卷之十一

後醍醐天皇

卷之十三

後村上天皇

長慶天皇

卷之十四

後龜山天皇

後小松天皇

稱光天皇

後花園天皇

卷之十五

後土御門天皇

後柏原天皇

後奈良天皇

卷之十六

正親明天皇

後陽成天皇

日本政記目次終



日本政記卷之一

賴襄子成 著

神武天皇

諱彥火瓊杵尊天照大神五世孫

波瀲武鸕鷀草葺不合尊第四子母玉依姬以庚午歲生年十五立為太子年四十七即位。在位七十六年崩。壽。白。二十七年葬大和畷傍山東北陵。

元年。辛酉春正月庚辰朔天皇即位於大和橿原宮

先是甲寅歲天皇在日向高千穗宮會諸皇族議曰此瑞穗之國我祖宗之所受於天而連屬草昧居此西偏多歷年所顧此四方未霑王澤遂使邑

有君。村有長。各相陵轢。莫之能統一。吾聞東方有
美地。山岳四周。足以恢弘大業。有饒速日命者。稱
出我祖支屬。為長髓彥者所推。先據有此。吾將掃
蕩之。定都焉。遂經營四方也。十月。親將發。日向至。
速吸門前豐得珍彥。收為鄉導。十二月。至安藝居埃
宮。乙卯歲。入吉備。居高島宮。備舟楫。蓄兵食。戊午
歲。二月。航抵浪速。溯流至河內。赴龍田。路險隘。乃
東。出生駒山。入大和。長髓彥邀擊我軍于孔舍衛
阪。我軍不利。皇庶兄五瀨命傷於矢。薨。乃退還示

弱。轉由紀伊入高倉下。武津見等歸順。以為鄉導。
歷熊野之險。出菟田縣。道臣命為先鋒。誅兄弟狛破
八十梟帥于國見岳。斬之。又用珍彥計。設疑兵。殺
兄磯城。遂進攻長髓彥。饒速日殺長髓彥來降。時
冬十二月也。己未歲。分兵誅諸窟居賊。盡定大和。
相訃傍山東南為國之輿區。定為都焉。至是即位。
立正妃媛。躡鞞為皇后。事代主神女奉三種神器
於正殿。曰劍。曰鏡。曰璽。以天種子命天富命王祭
祀。掌朝政。可美真手命率內物部衛官中道臣命

率來目部護宮門可美真手饒速日之子也。

二年。壬戌論功行賞以珍彥為大和國造劍根為葛

城國造弟狛為猛田縣主弟磯城為磯城縣主賜

道臣命宅地武津見等受賜有差可美真手天日

方奇日方並為中食國政大夫。

四年。甲子立靈時於鳥見山祀皇祖天神。

四十二年。壬寅立皇子神淳名川耳尊為皇太子。

七十六年。丙子春三月天皇崩於橿原宮。

丁丑歲秋九月葬神武天皇。

賴襄曰我王國之成基可謂深且遠歟自神武以前莫得而知焉蓋以神明之胤累葉積德雖在西偏遐邇屬望而發之於此爾抑當草昧之世雄長碁峙之時能一舉而定海內海內帖然以開千萬年之業自非天錫勇智首出羣倫烏能如此謚曰神武允矣舊志稱帝德明達豁如帝新得諸縣而署之首長皆疇昔之抗兵及及者仍而用之無所變更其感息効力於民民亦便安之可知也且夫以敵帥之家嗣而既納其

降則授之干戈。委以環衛之任。而不疑非所謂推赤心人腹中者哉。雖然。總領郊畿。典宮外之兵者。乃用勳舊。與內衛相制。猶彼漢之以羣國兵衛宮。以京輔兵衛城。唐之令元從禁軍出屯渭南。創業垂統者所爲。如合符節。亦可以見明達之一端矣。後世庸主。每因親踈。私存形迹。不能服天下之心。而制禍患之萌。皆不達於此者也。或曰。神武以封建爲制。至天智革之。襄曰不然。吾觀神武東征之議。有言曰。四方未歸我治。

遂使邑有首縣有君。以相凌轢。如此者。神武之所患。而所以征而蕩一之也。然後命之首長有新銓者。有因其故用之者。以大和推之。其他皆然。雖然。政任天造。無甚明制。可知也。而其後漸旣弛廢。因襲矣。故天智脩而釐之。大定司牧之制。考課黜陟之法。蓋成神武之志。以貽範百王者也。不然。雖以天智之英武。而革祖宗之制。變開國以還旣成之勢。滅人國。絕人世。不知其幾千萬。是一朝而可能乎。曰不能也。

Blank columns with faint bleed-through text from the reverse side of the page.

綏靖天皇

諱神淳名川耳尊。神武第三子。母媛。踰縉皇后。年十四。立為太子。在

位三十三年崩。壽八十四。葬大和桃花鳥田丘上陵。

元年。庚辰春正月。天皇即位。遷居葛城曰高丘宮。初

天皇在儲位三十四年。神武崩。在諒闇。庶兄手研

耳命代聽朝政。威福由已。遂謀大逆。太子知之。密

與母兄神八井耳命謀為之備。己卯歲。冬。伺其困

卧。襲誅之。神八井耳戰。懼不能射。太子奪其弓矢。

射殺之。神八井耳歎曰。吾不及汝武。宜乎能承續

大業。吾當為汝輔而已。

生
三子
年用
孔子

二年辛巳春立五十鈴依媛為皇后事代主神少女。

三年壬午春以彥湯支命為中食國政大夫。

二十五年甲辰春立皇子磯城津彥玉手看尊為皇

太子。

三十三年壬子夏五月天皇崩。

安寧天皇諱磯城津彥玉手看尊。綏靖子。母

崩。壽五十七。葬。山西南御陰井上陵。

秋七月天皇即位。

元年癸丑冬十月葬綏靖天皇。

二年甲寅遷居片鹽曰淨穴宮。

三年乙卯春立淳名底仲媛為皇后事代主神孫鴨

王女。

十一年癸亥春立大日本彥耜友尊為皇太子。

三十八年庚寅冬十二月天皇崩。

懿德天皇諱大日本彥耜友尊。安寧第二子。母淳名底仲媛皇后。在位三十四

年。崩。壽七十七。葬。山南纈沙上陵。

元年辛卯春二月天皇即位。秋八月葬安寧天皇。

二年壬辰春遷居輕地曰曲峽宮立天豐津媛為皇

日本正言 卷之二
后息石耳命女

二十二年壬春立皇子觀松彦香殖稻尊為皇太子。
子。

三十四年甲秋九月天皇崩。

乙丑歲冬十月葬懿德天皇。

孝昭天皇 諱觀松彦香殖稻尊懿德長子母天豐津媛皇后在位八十三年崩。

壽一百十四葬掖上博多山上陵。

元年丙春正月天皇即位遷居掖上曰池心宮。

二十九年甲春立世襲足媛為皇后尾張連遠祖

三十二年孔子
辛未

瀛津世襲女

六十八年癸春立皇子日本足彦國押人尊為皇

太子

八十三年戊秋八月天皇崩。

孝安天皇 諱日本足彦國押人尊孝昭第二子母世襲足媛皇后在位一百二

年崩壽一百二十七葬玉手丘上陵。

元年己春正月天皇即位。秋八月葬孝昭天皇。

二年庚遷居室地曰秋津島宮。

二十六年甲春立姪押媛為皇后。

日本正言 卷之二 續

七十六年。甲辰春立皇子大日本根子彦太瓊尊為皇太子。

一百二年。庚午春正月天皇崩。秋九月葬孝安天皇。

孝靈天皇。諱大日本根子彦太瓊尊。卒安子。母押媛皇后。在位七十六年崩。壽

一百二十八。葬片岡馬坂陵。

元年。辛未春正月天皇即位。遷居黑田曰廬戶宮。

二年。壬申春立細媛為皇后。磯城縣至大日女。

三十六年。丙午春立皇子大日本根子彦國牽尊為

其年古俗傳了是年言聖山南此近江琵琶湖

皇太子

七十六年。丙戌春二月天皇崩。

孝元天皇。諱大日本根子彦國牽尊。孝靈長子。母細媛皇后。在位五十七年崩。

壽一百十七。葬劍池島上陵。

元年。丁亥春正月天皇即位。

四年。庚寅遷居輕地曰境原宮。

六年。甲午九月葬孝靈天皇。

七年。癸巳春立鬱色謎為皇后。鬱色雄命妹。

二十二年。戊申春立皇子稚日本根子彦太日尊。

為皇太子。

五十七年。癸未秋九月。天皇崩。

開化天皇。諱稚日本根子彦太日日尊。孝元年。崩。壽一百一十一。葬春日率川坂本陵。

年。崩。壽一百一十一。葬春日率川坂本陵。

冬十一月。天皇即位。

元年。甲申遷居春日。曰率川宮。

五年。戊午春二月。葬孝元天皇。

六年。己丑春立伊香色謎為皇后。物部大綜麻杵女。

二十八年。辛亥春立皇子御間城入彥尊為皇太子。

六十年。癸未夏四月。天皇崩。冬十月。葬開化天皇。

崇神天皇。諱御間城入彥五十瓊瓊尊。開化

十八年。崩。壽一百一十二。葬山邊道上陵。

元年。甲申春正月。天皇即位。二月立御間城姬為

皇后。大彥命女。

三年。丙戌遷居磯城。曰瑞籬宮。

六年。己丑遷奉神器于大和笠縫邑。祭天照太神。命

皇女豐鍬入姬。常侍掌祀事。先是列朝皆安神器

於殿內。同牀卧起。帝惧其褻瀆。故有此舉。別模造

劍鏡置之御座。

七年庚寅定天社國社神邑神戶。

十年癸巳秋遣大彥命于北陸武埴川別于東海吉

備津彥于西國道主于丹波並授印將兵巡按有

不受令者聽征誅之未發會武埴安彥及白山背

其妻吾田自大坂共襲京師帝即命五川狹芹彥

要擊吾田斬之命大彥及彥國葺擊安彥于輪韓

川南射殺之冬十月大彥等發京師

十一年甲午大彥等還。

十二年乙未校人民戶曰序壯老課男女調役初帝

即位數年飢疫盜起帝憂惕勵精求治至是歲大

稔家給人足民稱曰御肇國大皇。

十七年庚子詔課諸國造舟楫。

四十八年辛未立皇三子活日尊為皇太子命皇長

子豐城命鎮撫東國。

六十年癸未出雲國亂遣吉備津彥武渟川別討平

之。六十二年乙酉詔河內開池溝通水利。

日本正譜 卷之二 賴氏正本
六十五年。戊子任那入貢。其使者蘇那曷叱知留侍皇太子。

六十八年。辛卯冬十二月。天皇崩。

賴襄曰。鴻荒之事。和漢同然。置而不論。可矣。雖然。祖宗之所源始。亦臣子之不可不知者。非如漢人之語軒羲也。蓋大日靈貴之德。雖不可窺測。微之神器。如有可得而言焉。大鏡者。明也。劍者。武也。而玉璽者。仁也。信也。仁信。明武。繼天君民之道。盡矣。故以遺子孫。曰。視此。猶視我國祚。

之隆。當與天壤無窮。因其言之驗於後。可以知其德之基於前已。吾聞大廟之左。神庫者。耕織之具為首。因此觀之。其猶后稷歟。及至玄孫。發跡西土。整旅東征。與文武之業無異。而垂統千葉。一姓不替。足以眇視彼八百載。其德果不可測也。夫前王之親神器。崇神之防。喪瀆其意一也。而崇神厲精治民。不虛肇國之統。真可謂善繼祖德者也歟。孔子曰。務民之義。敬鬼神而遠之。故敬神無如務於民也。世之稱神道者。悠繆

荒誕而無益於民。皆崇神之罪人也。吾嘗稱王業衰而神道興。何則是祖宗之事也。當王政盛時。誰敢騰之口舌。以樹私說哉。騰之口舌。以樹私說者。始於卜部兼俱之教。足利義尚。噫彼為何等時邪。宜乎出此無忌憚者也。

聖仁天皇

諱活目入彥。幼名狹野尊崇。神皇正統記云。聖仁天皇。在位九年。葬崇神天皇。

九年。諱一百三十九。葬菅原伏見陵。

元年。壬辰春正月。天皇即位。冬十月。葬崇神天皇。

二年。癸巳立狹穗姬為皇后。遷居纏向。曰珠城宮。

是歲。遣歸嶺那曷叱知厚賜任那主。新羅人途要

奪之。二國相仇怨始此。

三年。甲午新羅王子天日槍歸化。賜邑于但馬。

五年。丙申狹穗彥反。伏誅。狹穗彥。皇后兄也。陰懷異

圖。誘后行逆。后告實於帝。帝謂非后罪。命將討狹

八個田豐豐肆
入高之子

其齋志。上寶物於
但馬。人崇奉布之
坐石。社曰。拓古事元

總書津別前年
已三十有年不猶
啼事少兒如也
冬歸有賜子大
度玉仰見曰
何物也帝其
者鶴射國
鳥取信國
五取為托車
驚痛憂

祠及帝其
祭幣中為
即子矢口於
仙更地神
定瑞以祭
以祭神之始
鏡玉刀心
神水

野見宿禰情由
世皇土師日人
植以車馬人
物才形能之
樹物ト云又植
輪ト云
建字樹之
廿九年漢孝哀
不孝天底孫實
之孝子年三
臣王莽之為毒
宜云孫聖嗣不
乃假皇帝稱
三十七年王莽
國新莽子
明廢入

穗彥狹穗彥入城拒守。后不忍坐視。兄歿。抱皇子
奔投城中。詔狹穗彥奉還。不奉詔。后使人奉皇子
出城。而與兄同歿。

十五年丙午秋立日葉酢媛為皇后。丹波道主王

女

二十五年丙辰春三月。遷天照大神廟于伊勢度會。

建齋宮于五十鈴川上。使皇女大和姬代豐鍬入

姬奉齋焉。

二十七年戊午始以兵器為祭幣。是歲置屯倉于來

日。

二十八年癸亥皇后日葉酢媛崩。初帝母兄和彥命

薨。以近臣殉葬。帝聞其號泣聲。惻然。詔禁殉歿。至

皇后崩。野見宿禰奏請以土偶殉。帝嘉之。定為永

制。宿禰賜姓土部。世掌大喪。宿禰出雲人有勇力。

嘗受詔與力人當麻蹶速角力。勝之。朝廷有相撲

儀。始此。

三十五年丙寅令諸國開池溝八百餘所。以優灌溉。

民賴殷富。

五十二之漢孝景六帝孫王莽國之復元之後漢世祖
夫武卜為八十六年之祖不子莊立之孝昭トス

武是時始便漢

三十七年。戊辰立皇三子大足彥尊為皇太子。賜弓矢於皇長子五十瓊敷命。

九十九年。庚午秋七月。天皇崩。冬十二月。葬垂仁天皇。

賴襄曰。自神武一傳。而有手研耳之事。十傳而有狹穗彥之友。皆變之大者。其得失之際。後王之所當鑒也。大凡人事莫重於繼續而繼續原於婚姻。二者禍福之所由分也。匹夫之家。且然。况有國及天下者。不慎於此。莫以持先業而保

一。元
二。大系
三。元吉

億兆焉也。所以修前史者。於立后建儲之事。必謹書之。夫綏靖之為儲貳。既定於先皇在世之時矣。則手研耳。雖以庶兄有功。伐固不容覬覦。否則兄弟相殺。與玄武門喋血之禍。何以異哉。唯夫神武之慮。勝於唐高祖。是以綏靖無太宗之慙。雖綏靖之運。謀決機。能濟大難。抑亦神武早為之處置之所致也。狹穗彥身為帝戚。敢圖反逆。蓋亦有以致之。崇神遣將四道。大彥命居首焉。乃皇后之父也。豈

賴其戚親。委以兵權。邪。雖狹穗彥之資位。不可考。而非有權力者。何遽萌此非望哉。其後若蘓我馬子。乃狹穗彥之志者也。及至藤原氏世。藉戚畹。專恣極矣。而未嘗至謀反逆者。雖名分大定。有異往昔。而亦不躬握兵權。故爾。可不鑒哉。至皇后之抱皇子爲質。不過計免兄死已。而還質俱斃。雖其心可悲。要之非配至尊。母天下者之所當爲也。幸而垂仁不惑。使玉石共焚而不恤。使其惑而不能斷。叛

臣將得其計。不亦危乎。

帝容貌雄偉長

一丈。二十廿廿廿廿廿
十瓊敷年侍失帝
帝曰之子子子子子
十曰子子子子子
親大位子子子子
位子子子子子
古事記

市乾文展トムフ

市展文トムフ

景行天皇

諱大足彥忍代別尊。垂仁第三子。母日葉酢媛皇后。在位六十年崩。

壽一百四十三。葬山邊道上陵。帝男生八十八人皆封有子。

元年。秋七月。天皇即位。居纏向。曰日代官。

二年。春。立播磨稻日太郎姬為皇后。釋武彥女。

四年。春。行幸美濃。

十二年。秋七月。筑紫熊襲反。八月。天皇親征。行

勦周芳豐前賊。冬十月。至日向。起行宮。曰高屋宮。

熊襲有二女。或獻策。誑之歸順。長女納款。誘官軍。

殺熊襲。帝惡其所為。誅之。以次女賜火國造。駐日

陝能保野
造之
有陸
東大和
郡
唯
因
此
陸
琴
亦
古
又
道
陸

坂入彦女

五十三年癸亥帝東巡歷覽東海諸國。還駐伊勢。踰年乃還。

五十五年己丑遣宗室彦狹島王都督東山道諸國。

途病薨。明年以其子御諸別王襲職。討蝦夷未服者平之。

五十七年丁卯令諸國興田部屯倉。

五十八年戊辰行幸近江志賀號高元穗官。

六十年庚午冬十一月天皇崩於高元穗官。

賴襄曰。我朝以武立國。神武以還。經數十世。雖時有變故。靖難戡亂。頃刻而辨。天下不搖者。非以兵權在上。綱維可挈。故哉。然皆係內變矣。其有外叛。始見於景行云。蓋雖神武能肇造中土。東西諸道。號令未周。自崇神已漸命將四出。至此治能襲則親將伐之。何者其事大也。其事大則其用兵亦大。大兵之權不可委之臣下也。及賊再燃。難於再動兵。則遣皇子代往。其慎也如此。故至巡察東國。雖初遣大臣。至經略之任亦

其指下持
慎小非

任之皇子其意可以見已。及至後世兵戎之事。委之有司。雖公卿亦不甚恤之。况於天子高拱深宮。曰賊何能為。甚則不識將帥之面也。而責其殞軀夷賊。及於奏捷。又不時論賞。終之致大權下移。國勢一變。長不復於古。可勝歎哉。至景行之封皇子美濃。又以皇族管領東海。亦有深意存焉。夫以未服之國。其士沃兵強。不可不以為我資。而不可任之牧宰。亦非其所能任也。於是封建宗室。使自經紀之。使其力足以鎮撫於

當時而藩屏於異日。以制內外輕重之勢。可謂知大計矣。中古郡縣成制。雖以親王任國守。其人皆生長婦人手。粹姿弱質。足不履地。皆虛任遙領。遣介掾代往而已。是以本支益弱。天子孤立。使朝廷大臣無所忌憚。未必不由此。獨後醍醐以諸皇子充將帥。得景行之遺意。而諸皇子亦有雄勇勝任者矣。然終不能復古者。豈其時已不可為耶。抑天子不能躬親勤勞。克有終始如景行也。

[Faint bleed-through text from the reverse side of the page, including characters like 天皇 and 元年]

大
成務天皇

諱稚足彥景行第四子母八坂入姫皇后在位六十年崩壽一百七

葬大和狹
城清列陵

元年辛未春正月天皇即位于高穴穗宮。

二年壬申冬十月葬景行天皇。

三年癸酉春以武內宿禰為大臣帝與宿禰同年生。

自幼相親善景行帝嘗宴羣臣帝與宿禰不至問。

之答曰百僚宴樂宿衛不可不戒景行嘉之遂立

為儲貳以宿禰為傅至繼位有此命置大臣始此。

五年乙亥詔界山河分國縣隨阡陌定邑里國郡立

僚

日本書紀卷之二十一
造長縣邑置稻置東西曰日縱南北曰日橫山陽
曰影面山陰曰影背

四十八年戊午立皇從子足仲彥為皇太子。

六十年庚午夏六月天皇崩。

辛未歲秋九月葬成務天皇。

仲哀天皇

諱足仲彥日本武尊第二子成務無子故立為嗣母兩道人姬在位

九年崩壽五十二身大十八

元年壬申春正月天皇即位冬十月以大伴武以

為大連與大臣並輔朝政置大連始此。

二年癸酉春正月立氣長足姬為皇后氣長宿禰王

女二月行幸越前角鹿皇后及羣臣從焉帝南

至紀伊會熊襲友親帥舟師征之遣使角鹿令皇

后以下會於穴門居豐浦行宮。

八年己卯春進幸筑紫居香推行宮秋九月會羣

臣議進討皇后以為先征新羅則熊襲自服矣帝

不從親戰不克。

九年庚辰春二月天皇病崩于香推宮皇后與諸大

臣謀秘不發喪令大連率羣臣守行宮而令武內

宿禰密奉喪殯于豐浦。終決策征新羅。修船艦。弓弩論羣臣曰。此事不必諉之汝等。吾自當之。事成其其功。不成吾獨有罪。於是遣鴨別當熊襲。而自齋戒禱神祇。爲男裝。誓師而發。冬十月。至新羅。新羅主波沙寐錦不意我大兵奄至。惶遽出降。后命納質子。申盟約。徵犒師金帛八十船。遂爲歲貢。定額。高麗白濟並望風歸款。乃置官司戍兵。凱旋十一月。至筑紫。十二月生皇子。名譽田別。初皇后有孕。征三韓而還。乃生。故稱胎中天皇。初景行帝身。

材長大。日本武尊仲哀皆類之。及皇子生。亦奇偉。腕肉突起。似母后雄裝負鞆狀。古語謂鞆譽田。故名云。

前志記仲哀崩之際。多曖昧者。後世讀者不免容疑於神功皇后云。賴襄曰。是不容疑者。吾深會其前後事跡。斷知其不容疑也。夫熊襲久雄長西偏。以景行與日本武前後討伐。而其蟠根餘孽。終不可拔者。蓋倚新羅爲後援也。當時諸大臣更事如武內者。必有建舍近擊遠之策者。

皇后以有籌略。從軍與議。亦右其策。而仲哀銳
意誅鋤。不聽而親戰。敗。衄病創。創劇終崩。皇后
恐諸軍沮喪。賊來乘之。大事去矣。是以與腹心
密謀。秘喪不發。留大連守行宮。如天子在狀。深
溝高壘。相持不戰。而潛兵急發。以遂行前策。直
擣巢窟。奪其倚據。然後熊襲果不攻而下矣。特
以蹋海波赴未知之地。衆情所疑懼。故多方託
之神明。曰。神告我以寶玉之國。帝不從。故暴殞。
當相與勉往取之。皆鼓舞從兵之語耳。史氏從

而實其事。皇張誇大而後人不察。所以致紛紜
也。胎中天皇之稱。已見民望所屬。雖有庶兄之
乘變圖自立。未幾就誅。梟梟數十年。中外無
異議。可知其事之暴白。當時厭人心。而何必容
疑於千載之下。

Table with multiple vertical columns, mostly blank or containing faint text.

應神天皇

諱譽田仲哀第四子母氣長足姬皇后崩政六十九年崩帝聽

政四十一一年崩壽百十葬河內惠我山岡陵

辛巳歲春二月皇后奉帝至豐浦宮乃發仲哀帝
喪將奉梓宮還京師時帝庶兄麿坂忍熊カマ一上舉
兵要之播磨皇后使武內奉帝航赴紀伊會麿坂
暴覺忍熊退軍住吉皇后帥舟師直向難波忍熊
又退軍菟道皇后與帝會命武內進擊忍熊忍熊
敗走於瀨田冬羣臣尊皇后為皇太后臨朝攝
政。

壬午歲冬十一月葬仲哀天皇。

癸未歲春稱帝為皇太子。

巳酉歲還新羅質子。

巳未歲遣使於魏。

丁卯歲百濟新羅共入貢皇太后皇太子大喜曰。

是先帝之所欲而不見也羣臣為之感動。

巳己歲先是新羅奪百濟貢物相易而獻敕逐新

羅使者遣使其國責問之至是遣荒田別等將兵

援百濟討新羅破之遂定任那七國加賜地於百

濟

丙戌歲遣使於晉。

巳丑歲夏四月皇太后崩壽一百歲冬十月葬于

狹城盾列池上陵謚神功皇后。

元年庚寅春正月帝即位都輕島號豐明宮。

二年辛卯春立仲姬為皇后。

三年壬辰蝦夷入貢先是百濟枕流半子阿花幼叔

父辰斯篡立是歲遣紀角平羣木菟等責問之國

人殺辰斯以謝角等立阿花而還。

五年甲午定諸國海人山守部。

七年丙申高麗百濟新羅任那並入貢。令武內宿禰

役韓人穿池。曰韓池。

九年戊戌遣武內宿禰按察西海。其弟甘美之內宿禰

讒其密招三韓。據筑紫謀反。敕遣使案驗。有真根

子。貌類武內。自殺以免之。武內潛詣闕自明。敕面

對質。甘美內伏罪。特赦死一等。

十四年癸卯秦主政菟齋在百濟者歸化。分置諸郡。

使養蚕造絹。賜姓秦氏。

探行是非

十五年甲辰先是以百濟王阿花無禮。削其東韓地。

阿花懼。使其子阿直岐來朝謝罪。至此復來貢良

馬。阿直岐通經典。帝使皇子稚郎子師學焉。阿直

岐更薦其國秀士王仁。

十六年乙巳王仁來。齋獻論語十卷。尋阿花卒。敕遣

歸阿直岐。繼位。復其削地。

賴襄曰。道一而已矣。道之在天下也。猶日月也。

日月者。天下之日月也。非一國所私有也。道亦

然。父子君臣夫婦。無國無之。而慈孝忠義。有別

此王仁國中書

日本政言 卷之一
不雜。皆存於自然。非有待於人作也。我邦列聖。保民如子。不讓堯舜禹湯。其風俗尊君親上。相愛相養。又有過唐虞三代之民。則雖無經籍。其道固具在。特未有名而教之。曰仁曰義者耳。譬若人家。同是一里也。而居之。有舊有新。某巷陌。某井溝。皆有名目。記以帳簿。新者必問於舊者。而知之。舊者曰。是吾巷陌井溝也。可乎。今天下之仁義也。儒者指而私之曰。是漢之道也。有稱國學者。斥而外之曰。是非我之道也。皆非也。道

豈有彼此。載之以文。彼較傳於我。彼來而貢之。我取而用之。與釀冶織縫之工。何異。載籍者。織縫釀冶也。而仁義者。蠶也。桑也。麩米銅鐵也。以麩米銅鐵蠶桑。為自彼來者。儒者之見也。欲廢織縫釀冶者。國學者之說也。故曰皆非也。大道一也。則學亦一也。寧有所謂國_學者乎。陋哉。且夫先王已取而用之。著為令典矣。而敢非議之。是議先王之典者矣。而幸免於誅也。

Blank page with vertical lines for text.

二十八年。高麗使至。表文佶嫚。稚郎子奏劾責使者。壞表書。

三十七年。遣使於吳。求織縫工女。先是百濟獻織縫釀酒冶工。至是導我使入吳。以漢人歸化者充使。

四十年。春。立皇子稚郎子為皇太子。大鷦鷯大山守並長。帝特愛稚郎子立之。

四十一年。春二月。天皇崩。大山守謀反。大鷦鷯知之。密告太子誅之。太子素知大鷦鷯賢。欲讓位。

日本正言 卷之二
避之菟道。固辭相讓三年。貢獻者莫知所適。太子遂自殺。大鷦鷯驚馳至慟哭。羣臣遂勸進卽位。

仁德天皇

諱大鷦鷯。應神第四子。母仲姬皇。后。在位八十七年。崩。壽一百十。葬

百舌鳥野陵。

元年

癸酉

春正月。天皇卽位。武內宿禰爲大臣如故。

居難波。號高津宮。

二年

甲戌

春。立葛城盤之姬爲皇后。葛城襲津彥女。

十年

壬午

修皇宮。初帝登高。望見人烟稀少。知民貧。

乃痛自節儉。宮室不聖。任其頽圯。悉除租稅。三年。

望見炊烟盛起。喜語皇后曰。朕富矣。后曰。屋漏不
徹。何謂富乎。帝曰。天之立君爲民也。民之富。朕
之富也。臣民請輸稅修宮。不聽。至是始科課役。修
之。不日而成。

十一年

癸未

詔北河橫溢。下流不駛。每霖。海潮逆上。

民苦泥濘。宜鑿宮北地。爲渠通海。以全田宅。又築

茨田堤。是歲新羅人朝貢。因從是役。

十二年

甲申

秋。高麗入貢。獻鐵盾鐵的。敕饗使者。令

戶田宿禰射鐵的。洞之。冬。穿栗隈渠。以溉山背。

田。

十三年。乙酉置茨田屯倉。定舂米部。

十七年。巳丑新羅不貢。遣使責問。乃貢絹物八十艘。

三十年。壬寅秋。皇后遊熊野。帝徵八田媛納宮中。皇后聞恨之。直赴山背筒城終焉。

三十一年。癸卯春。立皇子去來穗別為皇太子。

三十八年。庚戌春。立八田媛為皇后。

五十三年。乙丑新羅不貢。遣田道將兵討之。虜四邑

民而還。

五十五年。丁卯蝦夷又遣田道討之。軍敗。死之。

六十二年。甲戌始置冰室。

六十五年。丁丑遣難波根子武振熊。勦飛彈山賊宿

讎。

七十八年。庚寅大臣武內宿禰薨。

八十七年。巳亥春正月。天皇崩。帝末年。刑措二十餘

歲。及崩。民如喪父母。皇太子初納羽田黑媛為妃。

太子之弟仲皇子。佯稱太子。與姦事。露。仲畏罪。父

時。太子既除喪。未即位。仲舉兵圍宮。皇太子方被

酒卧。諸大臣入告。不信。扶上馬奔河內。至埴生坂而醒。入大和。發當麻兵。遣弟瑞齒別皇子討仲。瑞齒別恐事平後或被疑。請與平羣水菟借。遂誘仲近臣刺領巾。刺殺仲。水菟請而誅刺領巾。太子乃還。冬十月。葬仁德天皇。

賴襄曰。仁德之所以爲仁可知已。仁德之言曰。人爲民立君。君自儉以養民。民富則君富。大哉言乎。是我列聖之所傳。而發之於帝。所以貽範萬孫也。六經所訓。百史所傳。豈有以

尚此哉。自是其後循之者安。違之者危。下至武門。一興一廢。無不由此者。大哉言乎。有德者有言。因其言可以知其德矣。稚郎子之讓位。亦知其德屬天下之望也。然讓之可也。而至於以讓殺身。過斷髮文身之泰伯。可謂爲已甚者矣。遂致使後世容疑其間。以爲或有希旨之臣。如羽父之請於魯隱者。而抱焉而慟。又類宋太宗之哭德昭。豈仁德之處兄弟。又有未盡其善者邪。可勝惜哉。世知仁德之

仁而已。當帝之時。有若戶田之接高麗使者。以弓力折服其心。有若田道之討新羅。避堅及瑕。仁者之勇。足以使將帥馭夷狄。又可以見已。帝之德。過禹之卑宮惡服。而不及湯之不邇聲色。有文王之無逸。而無其儀寡妻。閨門不脩。子孫視儆。故繼續之際。有仲皇子之亂。允恭安康之際。亦云危矣。反正之智。雄略之武。屢足以靖其難。而雄略之失任那。亦由於好色。夫以仁德之德。而一不慎焉。則貽禍後嗣如此。況不及仁德者。可不戒焉哉。

後嗣如此。況不及仁德者。可不戒焉哉。

日本政記卷之二

日本政記卷之二

賴襄子成 著

履中天皇

諱去來德那仁德長子母磐之姬皇后在位六年崩壽不詳葬百舌

鳥耳原陵

元年庚子春二月天皇即位都磐余號稚櫻宮平

群木菟蕪我滿智物部伊管佛葛城圓執政

二年辛丑春以皇弟瑞齒別為儲貳生而駢齒故名

四年癸卯始置史官諸國記得失通四方志

六年乙巳春立草香幡梭姬為皇后始置藏職因

定藏部。三月。天皇崩。冬十月。葬履中天皇。

反正天皇諱瑞齒別。履中同母弟。在位六年。崩。壽未詳。葬百舌耳原陵。

元年丙午春正月。天皇即位。葛城園執政如故。秋

立津野媛為皇夫人。又納其女弟弟媛木事女。

冬。遷都河內丹比。號柴籬宮。

六年辛亥春正月。天皇崩。帝無嗣。群臣議迎皇弟雄

朝津間稚子宿禰立之。遜讓不許。群臣奉壘固請。

允恭天皇諱雄朝津間稚子宿禰。反正同母弟。在位四十二年。崩。壽未詳。葬河

內長原陵

元年丙子冬十二月。天皇即位。于遠明日香宮。

二年癸丑春立忍坂大_ホ中_ホ姬為皇后。稚野毛_ケ二_ニ派_ハ皇

子女。

三年甲寅帝有疾。徵鑿于新羅。瘳。厚賞遣歸。

四年乙卯詔定姓氏。帝憂。姓氏混亂。會內外百官詛

盟。勿得詐冒。

五年丙辰冬十一月。葬反正天皇。

八年己未納衣通姬為妃。妃皇后妹。帝聞其絕艷。召

之。以皇后不懌。乃處之於河內茅渟宮。數託游獵。

幸焉。

二十三年甲戌春立皇長子木梨カシ輕カシ為皇太子。

四十二年癸巳春正月天皇崩冬十月葬允恭天皇。

初皇太子好色通同母弟時盛夏帝御膳羹冰帝

異之命卜焉知有內亂不忍罪太子乃流皇女于

伊豫及帝崩遙虐益甚群臣不服悉屬心於皇三

子允穗太子知之聚兵欲襲殺允穗允穗備兵自

衛太子慮不克匿物部大前家允穗從圍之太子

自殺十二月允穗即天皇位遷居在上號允穗宮。

安康天皇

諱允穗允恭第三子母忍坂大中
姬皇后在位二年為眉輪王所弑

年五十六葬菅原伏見野中陵

二年乙未以中蒂姬為皇后初帝欲為母弟大泊瀨

聘大草香皇子女幡梭使根使王諭旨大草香大

喜獻珠纒為信根使王私珠纒不進詐奏大草香

拒命詞意倨嫺狀帝大怒遣兵殺之其臣曰香蚊

歿之取幡梭配大泊瀨又取其妻中蒂姬為妃遂

為皇后

三年丙申秋八月天皇幸山宮暴崩初皇后為大草

香

香妃生眉輪王及入宮。從養宮中。帝在山宮閣上。謂后曰。朕雖愛汝。獨眉輪介於心耳。眉輪時已七歲。戲閣下。聽之。伺帝醉卧。刺而弑之。大泊瀨皇子聞變。疑諸兄所為。即環甲執兵。馳至。逼母兄八鈞。白彦問故。不答。大泊瀨拔刀斫之。又問次兄境黑彦。又不答。亦欲殺之。黑彦懼。與眉輪亡。匿大臣葛城園第。大泊瀨圍之。第焚之。誅眉輪。殺黑彦。又殺市邊押磐御馬二皇子。市邊履中子。初帝立大泊瀨為嗣。又愛市邊。欲立之。大泊瀨啣之。故殺之。冬

十一月。大泊瀨即天皇位。于泊瀨朝倉。遂都焉。

雄略天皇

諱大泊瀨。幼武。名恭。第五子。安。同母弟。在位三十三年。崩。壽六十。

葬河內。比高。陵。

元年。春。立草香幡梭姬為皇后。冬。以平群真鳥為大臣。大伴室屋物部目為大連。真鳥木菟子。室屋武以子也。

三年。已亥。秋八月。葬安康天皇。

六年。壬寅。令諸國植桑。敕后妃躬桑。勸蚕事。是歲。吳人來貢。

七年癸卯以吉備田狹為任那國司。又遣其子弟君
伐新羅。田狹據任那反。

八年甲辰高麗與新羅相攻。新羅乞援於任那。日本
府帥遣兵擊大破高麗兵。

九年乙巳帝以新羅久不朝貢。欲親征之。不可。乃遣
紀小弓。蘓我韓子。小鹿火等。將師代征。大破新羅。
新羅王出國都。走聚餘眾復振。我將帥不和。軍失
利。會小弓病卒。我軍引還。

十二年戊申始起樓閣。

十四年庚戌吳人來聘。貢吳織。漢織。先是。敕遣使索
工。至是帶來。根使下罪。露伏誅。敕雪大草香部
冤。索日香蚊子孫。旌其死義。

十八年甲寅遣物部菟代。目。勳伊勢賊。菟代逗留不
進。目奮戰。獲其渠帥。敕奪菟代采地。賜於目。

二十年丙辰高麗滅百濟。殺其王及王子。

二十一年丁巳詔立王弟汶洲為王。賜之久麻那利
地。圖復其國。

二十二年戊午春立皇三子白髮為皇太子。秋遷

丹波豐受太神祀於伊勢山田曰外宮。

二十三年紀春百濟王汶洲卒詔遣昆支王子末

多為王賜兵器發筑紫卒護送之別遣舟師擊高

麗秋七月天皇崩帝初生神光滿殿長而雄果

既定內難峻刻御下喜殺數游獵親殺猛獸群下

不能傲者誅之喜怒不測至米女入宮者泣求免

嘗遣吉備田狹守任那奪其妻致田狹父然性明

決時納善言末年尤留心政治第三皇子生而白

髮性仁愛帝異重之立為儲貳帝大漸名百僚與

訣殊詔大連大伴室屋及東漢掬輔弼太子星川

王田狹氏所生也帝知其心懷悖逆使善備之既

崩星川王據大藏宮反室屋掬奉太子率兵圍宮

誅王母子。

清寧天皇

諱白髮鸕廣國柁稱時本撰子雄略第三子母韓媛大臣葛城圓女在位五年崩壽四十一或云四十二葬河內坂門原陵

元年庚申春正月天皇即位于甕栗宮遂都焉大臣

平群真鳥大連大伴室屋如故冬十月葬雄略

天皇。

三年壬戌秋遣臣連諸國巡察風俗。冬詔罷獻狗

馬器玩。宴臣連賜綿帛。是歲夏立履中天皇孫

億計イホ土為皇太子。初雄略帝嘗市邊皇子誘與獵

射殺之。皇子有二子。曰億計。曰弘計。帳內カ部下

使主與其子吾田彦奉逃於播磨縮見使主恐事

顯自縊歿。吾田彦終始從二子。二子變名為縮見

屯倉ミヤ首家オホト會播磨國司小楯微貢宿首家弘計

欲告實伸屈。億計以為不可。已而酒酣首命二子

歌弘計決意因歌示意。小楯驚拜命築宮處之。因

立之以弘計為皇子。

馳奏帝喜曰存憂無子此天賚也。乃遣小楯迎而

立之。以弘計為皇子。

四年癸亥春宴海外諸蕃使於朝堂。前年入貢者也。

秋帝親錄囚徒。蝦夷隼人並內附。帝御射

殿敕百僚及諸蕃使射。賜物有差。

五年甲子春正月天皇崩。皇太子讓位於弘計。弘

計稱先帝命不從。於是太子姑飯豐皇女垂簾聽

政。冬十一月葬清寧天皇。飯豐薨。太子與群

臣拜弘計勸進曰微君決策吾不至此。有功者宜

立之。

享其祿。

顯宗天皇

諱來目稚子。稱弘計。履中孫。市邊皇子。母萬姬。在位三年。崩。壽三

十八。或云四十八。葬傍岳盤坏邱陵。

元年。乙丑春正月。天皇即位于近飛鳥八鈞宮。以大

臣等復固請。大臣平群真鳥。大連大伴室屋如故。

以皇兄億計王為儲君。立難波小野媛為皇后。

邱稚子王女。二月。詔索市邊皇子葬處。親幸近

江蚊屋野。得之。改葬焉。

三年。丁卯夏四月。大皇崩。帝久在民間。知百姓疾苦。

及即位。薄賦歛。恤貧窮。歲比稔。粟斛直銀錢一文。

海內殷富。

仁賢天皇

號億計。諱大脚。顯宗同母兄。在位十一年。崩。壽五十一。或云五十四。

葬埴生坂本陵。

元年。戊辰春正月。天皇即位于石上廣高宮。二月。

立春日。大嬢為皇后。雄略帝女。冬十月。葬顯宗

天皇。

二年。己巳秋。皇太后崩。后嘗侍宴先帝。無禮於帝。及

帝即位。懼自殺。

六年癸酉遣使高麗求工匠。

七年甲戌春立皇子小泊瀨為皇太子。

十一年戊寅秋八月天皇崩帝聰敏仁恕吏稱其職。

民安其業戶口滋殖初顯宗即位欲發雄畧陵以

報父仇帝諫曰如先帝之思何乃止冬十月葬

仁賢天皇十一月皇太子誅平群真鳥直鳥專

政四朝陰圖不軌佯稱為太子築宮遂自居焉其

子鮪又無禮於太子太子夜幸人伴金村宅發兵

要鮪於途斃之遂圍真鳥第焚殺之十二月皇

太子即天皇位于泊瀨列城宮遂都焉以人伴

金村為大連

武烈天皇

傍丘盤 坏丘陵

諱小泊瀨稱位八年崩壽未詳葬

元年己卯春立春日娘子為皇后。

六年甲申百濟入貢先是百濟王未多暴虐國人弑

之立其族斯麻至是來貢帝以其久闕貢拘留使

者。

七年乙酉百濟更使其族斯我來貢。

八年。丙戌冬十二月。天皇崩。帝好刑名。日昃視朝。聽決訟獄。善爲鈎距。發奸擿伏。無所失。諸慘刑。必親臨視。至割孕婦胎。解人指甲。使掘薯蕷。使人緣木。親射墜之。廣苑圍。數游獵。縱酒漁色。橫征暴斂。天下苦之。

繼體天皇

諱男大迹。應神五世孫。父彥主人。母振媛。在位二十五年。崩。壽八十八。

二。葬藍野陵。

元年。丁亥春二月。天皇卽位于山背樟葉宮。初應神帝四世孫彥主人王在近江三尾。納三國坂中井。

人女振媛爲妃。生帝。王薨。帝養於母家。及長。有大度禮賢愛士。武烈帝崩。無嗣。大連大伴金村與群臣議。求皇族。迎仲哀帝五世孫和彥王於丹波。和彥望見儀仗。惧而逃匿。是歲正月。金村及大臣巨勢男人。大連物部鹿鹿火等。更議迎帝於三國。帝據胡床。列臣僕見之。使者敬憚傾心。帝猶豫未就。道會河內荒籠者。潛遣人具白。臣連奉迎無佗意。帝卽發。至宮卽位。臣連如故。名荒籠賞之。三月。立手白香媛爲皇后。仁賢帝女。詔戒百僚及庶。

民并力農桑禁游手浮食。

二年戊子冬十月葬武烈天皇。

三年己丑檢百濟民逃在內地及任那者量歸百濟。

尋賜筑紫馬四十匹於百濟。

五年辛卯遷居山背筒城後遷第國終遷大和磐余。

曰玉穗宮。

七年癸巳夏徵五經博士段揚爾於百濟至附奏伴

跛國奪已汶地冬詔新羅伴跛使還之命立皇庶

長子勾大兄為皇太子。

十六年壬寅梁使者司馬達來

二十一年乙未夏遣近江毛野將兵六萬赴任那復

新羅侵地筑紫國造磐井受新羅賂據火豐二國

以過王師秋以大連物部鹿鹿火為大將赴援聽

便宜行事。

二十二年丙申冬物部鹿鹿火與賊戰御井大破之

誅磐井遣使新羅新羅奉約。

二十三年丁酉任那王訴新羅背約詔遣近江毛野

和解諸蕃毛野綏馭失方敕召還之。

新前

賴襄曰國朝之服三韓。洵不世之功也。然爾後
我所以爲務者。在於三韓。闕貢則不得不責。責
而不服。則不得不伐。如騎虎之勢。不可中下。是
以上古之史。三韓之事。居半焉。當其時。蓋將卒
疲於奔命。農民困於糧餉。敝國內以事外夷。可
知也。是豈爲計之得者哉。是故日羅之答。敏達
帝也。論內外之本末。言戰守之得失。有見於此
爾。雖然。揆之時勢。有不可槩論者。當神功應神
之際。吾國風氣未全開。士女金帛之豐備。或不

及三韓。而兵卒之勇悍。則不啻過之。故吾用我
兵卒。而收彼之金帛。所收多而所用寡。已納其
貢獻。又役其人丁。故稱百濟爲內官家者。猶曰
我外府也。當是時。所失少而所得多。及至其後。
我風氣已闢。凡百民用無須於彼。而仍襲前代
之故。則所得少而所失多。復任那扶百濟。如既
富之家。而猶經紀舊屬之小戶。其事雖義。其志
雖殷。內自罷敝。而無益於彼。故曰不可槩論也。
雖然。當其初也。置府任那。譬使三韓。易置百濟。

之主如奕砮然何其盛歟而何脩以致之曰上
下同心國如一人而處置外國足服其心是已
嗚呼後之有國者可不必冀其盛當學所以致
之也

此代神武天皇... 其

二十四年庚戌詔舉廉節之士曰稱亂略平內外無

虞年穀比登恐吏民因此習貪婪生奢侈其舉廉
節務清政治

二十五年辛亥春二月天皇疾病傳位皇太子而崩

冬十二月葬繼體天皇

安閑天皇諱幼大兄繼體庶長子母目子媛
在位二年崩壽七十葬古市高屋

跋

元年甲寅春正月天皇即位于勾金橋宮大伴金村

物部鹿鹿火為大連如故三月立春山山出媛為

日本正記 卷之二
皇后仁賢帝女。

二年^{乙卯}春大酺。冬十二月天皇崩。帝有人君之

量。在位間上下殷富。無嗣。群臣以皇弟武小廣為

人。爽朗謙和。宜立。定議奉之。是月葬安閑天皇。

宣化天皇

諱武小廣。國押留。安閑同母弟。在位四年崩。壽七十三。葬桃花鳥坂。

陵。

元年^{丙辰}春正月天皇即位。遷居檜隈廬入野。二

月以蕪我稻目為大臣。三月立橘仲姬為皇后。

仁賢帝女。夏修諸國屯倉。備凶荒。秋大連物

部鹿鹿火薨。

二年^{丁卯}新羅侵任那。詔大連大伴金村遣其二子

磐狹手彥援之。磐留鎮筑紫。狹手彥赴任那府。

四年^{己未}春二月天皇崩。帝無嗣。群臣定議迎立繼

體帝嫡子天國押開。冬十一月葬宣化天皇。

十二月天國押開即天皇位。

欽明天皇

諱天國押開。廣處。繼體嫡子。母手白媛皇后。在位三十二年。崩。壽未詳。葬檜隈坂合陵。

元年^{庚申}春正月立石姬為皇后。秋七月遷居敷

高麗金州人連大伴金村大臣蘇我稻呂並如故以物部尾輿為大連。是歲高麗百濟新羅任那蝦夷隼人並入貢。檢秦漢及諸蕃投化者七千餘戶。編貫諸國。

二年。辛酉 詔任那與百濟謀復新羅侵地。

四年。癸亥 百濟獻扶南貨財及人口。

七年。丙寅 賜良馬戰船於百濟。

九年。戊辰 高麗攻百濟我遣兵援擊卻之。賊得爾辛。

十二年。辛未 賜麥種一千斛於百濟。百濟伐高麗復

其侵地

十三年。壬申 百濟獻佛像經論。大臣蘇我稻呂奏請

受之。百濟附表稱述佛功德。帝下羣臣議。稻呂請

受而禮之。物部尾輿中臣勝海同奏。國家宗廟百

神載在祀典。別禮蕃神。恐有譴怒。帝乃賜佛像於

稻呂。稻呂捨其向原第奉之。是歲諸國大疫。尾輿

等奏請燒寺沈佛像於堀江。是歲百濟奔其平

壤漢城。新羅入居之。

十四年。癸酉 冬百濟醫卜曆筭等博士。遞番來我。止

附送藥物。

十五年戊甲春立皇子淳中倉大珠敷為皇太子。

秋遣內臣援百濟伐新羅拔兩山城初百濟王伐

新羅復其故地漢城平壤新羅通謀高麗攻取之。

百濟請援於我故有是役。

十六年乙亥百濟王聖明為新羅所殺王子餘昌遣

其弟惠來赴

十七年丙子發筑紫舟師護送使者遣筑紫人君率

兵守彌氏津立餘昌。

二十二年庚辰新羅使者入貢班之百濟使人下

二十三年壬午春新羅滅任那毀我官府秋新羅貢

調至拘留之以紀男麻呂為大將率兵討新羅破

其軍其別將輕進失利軍士伊企儼為虜所擒誘

降不屈罵虜而死以大伴狹手彥為人將軍率

兵數萬援百濟伐高麗大破之入其都城冬新

羅入貢又拘留之。

三十一年庚寅春遣使新羅詰其滅任那狀夏四

月天皇崩帝有疾召皇太子入卧內執其手曰朕

欲征新羅復任那。不果。汝繼朕志。帝性慈仁。新墾田。賑給貧民。立為定制。以四月中巳日。祭加茂神。武廟。已而有年。遂為永制。秋九月。葬欽明天皇。

敏達天皇

諱淳中。倉人。珠敷。欽明第二子。母石姬。皇后。在位十四年。崩。壽六十。

一。或云四十八。葬河內磯長陵。

元年。壬辰夏四月。天皇即位于大井宮。以蘇我馬

子為大臣。與大連物部守屋並執朝政。馬子稻日子。守屋尾與了也。

四年。乙未春。廣媛為皇后。息長真手王女。冬。皇

后崩。是歲遷居譯語田。曰幸玉宮。

五年。丙申春。立豐食炊屋媛為皇后。

九年。庚子新羅貢調。卻不納。

十一年。壬寅新羅貢調。又卻不納。

十二年。癸卯冬。百濟使者德爾有罪。伏誅。初我蓋北

國造阿利斯登。在任那府生子。曰羅。居百濟。帝聞

其才。救百濟徵之。諮以討新羅復任那之策。曰羅

曰。服夷之道。在培養國本。何必動凶器。事未節為

當今之計。且自臣連二造。國造伴造下至小吏。節用薄

欽訓七教民結以信義。二年食足兵足。然後多造舟艦。列置海津。大張聲勢。使韓人見之。乃遣才辯士使諸蕃。明示恩威。名其國王。國王不來。召其太子。平王子。先服其心。而問其罪。百濟護送官猜其言國陰事。留德爾刺殺之。勅叔德爾鞠問。具服賜之日羅宗族。誅之。

十四年。己春。大疫。初。蘇我馬子信佛。建寺塔第中。師高麗僧慧俊。及梁人司馬達及其女善信尼等。設齋會。物部守屋中臣勝海。奏劾其信妖法惑民。

致崇請燒寺塔。逐善信等。馬子憂懼成疾。懇請禱佛。帝曰。汝獨為之。勿惑他人。乃還與善信等。馬子喜。復精舍而深啣守屋等。秋八月。天皇崩。九月。立異母弟大兄皇子。即天皇位。母蘇我氏遷居磐余。號池邊雙槻宮。

用明天皇 諱攝豐日。欽明第四子。母蘇我

四十一。或云六十九。葬磐余池上陵。

元年。丙午。春立穴穗部媛為皇后。夏五月。誅三輪逆。

二年。春帝病。皇子厩戶侍側。祈佛誦經。帝因欲歸佛。以其無例。召羣臣議。物部守屋中臣勝海曰。舍國神而祈蕃神。不可。蘇我馬子曰。宜從。睿言。卽延僧豐國入內厩。戶握馬子手。泣曰。非大臣歸心。福田誰成。今日事馬子。叩頭曰。殿下務興佛法。臣以死守之。守屋睥睨。人意色俱惡。厩戶謂左右曰。大連昧因果之理。禍今日至。馬子遂與厩戶謀。殺守屋。守屋乃退居阿都。備兵自衛。厩戶先令舍人迹見赤擣。伺間擊殺勝海。夏四月。帝崩。繼嗣

未定。守屋欲立穴穗皇子。馬子遣兵殺皇子。遂圍守屋澁川第。內守屋築稻城拒卻之時。厩戶年十六。束髮置四天王像于頂。與馬子整軍復進。破之。赤擣射殺守屋。守屋衆潰。闔族亡。於是建寺安天王像。收守屋田宅資財。悉施捨焉。分田萬頃。賞赤擣。秋七月。葬用明天皇。八月。馬子奏炊屋媛皇后立皇弟泊瀨部。卽天皇位。母蘇我氏居倉梯宮。

崇峻天皇 諱泊瀨部。欽明第十二子。母蘇我小姊君。堅鹽媛妹。在位五年。爲蘇

我馬子所弒年七
十二葬倉梯岡陵

元年^{戊申} 蘇我馬子為大臣如故 建法興寺

二年^{己酉} 詔遣使觀察東北諸道

四年^{辛亥} 夏四月葬敏達天皇 冬詔遣紀男麻呂

為大將軍將兵二萬屯筑紫遣使於新羅新羅行

戒遂復負邪皇 皇

五年^{壬子} 蘇我馬子驕暴益甚帝疾之謂厩戶皇子

曰馬子內恣私欲外飾佛法朕不能堪如何答曰

陛下唯忍耳 冬十月有獻山豬者帝指謂左右

曰孰能斫朕所疾如斫此豬頭宮女失寵者聞之

以告馬子馬子惧謀先發厩戶居間兩知其情憂

念累日 十一月乙巳馬子使東漢駒弒帝於寢

殿事起不意羣臣擾亂馬子命殺數人乃定厩戶

哭曰是帝過去報也是日葬崇峻天皇 十二月

立皇女弟額田部即天皇位于豐浦宮 蘇我氏

立厩戶為皇太子厚賞漢駒漢駒負功不羈通馬

子女馬子怒縛漢駒庭樹自射殺之曰是弒君之

賊吾為行誅厩戶聞之曰雖有此誅蘇我氏弒君

日本攷已 卷之二 頁之

之名千載不可雪也。然善遇馬子，不忤其意。
賴襄曰：儒學與佛說皆自外國來者，無擇也。而
佛說一入吾國，有好之崇之，以易君父者，何哉。
儒學叙人倫，平易無可喜，其文雖外來，而其實
固在我，不如佛說之新異，宏濶誇大，足聳人聽
也。吾嘗讀三韓之史，其君之惑於佛說，以致亂
亡者，皆是。吾邦未至如彼也，而有酷肖焉者。夫
人臣行弑逆，開闢以還，所無可謂天地之大變
矣。而諉之過去之報，幾乎三綱淪而九法斁矣。

既尸智慧過絕，人姑爲太子，以屬人望，其志在
異口卽真，擅乎天下，而倚於馬子之勢。馬子與
大連相軋，欲除之而自逞，亦倚太子以濟其姦。
而皆藉於佛說，遂致誦咒媿典禮，堂塔塗膏血，
王業之衰，大端在此。三善清行之所言，可以驗
焉。雖然清行特言其費而已，不知其顛倒是非，
混淆善惡，烈於洪水猛獸之害。姦雄之人，每藉
之以解其心，下及北條足利之崇禪教，莫非宗
此旨也。我邦君臣之義度，越萬國而西竺之說

壞之歸之於土灰沙塵而止焉。而開其端者。厩
戶馬子也。可勝慨哉。千載之下。獨織田氏斷然
不惑。庶幾匡正祖宗之國者矣。是以今之佛說
行於愚夫愚婦。而為人上者之信之。不至如古
昔之太甚。是我邦之幸也。焉知非祖宗佑之冥
冥之際也耶。舊事之記。出於厩戶之手。蓋亦有
錯亂事實。以資自僂者。不可不察也。

推古天皇

諱豐。食炊屋初稱。額田部。欽明弟。女。用明同母妹。母蘇我氏。大臣。

元年癸卯。詔皇太子攝行萬機。蘇我馬子為大臣如

故。秋九月。改葬用明天皇。皇太子建四天王

寺于難波。

三年乙卯。詔皇太子與諸蕃僧講論佛經于御前。賜

播磨水田一百町。倍給東宮俸。

八年庚申。新羅侵任那。遣境部臣等將兵萬餘討新

羅。拔五城復侵地。

十年戊新羅復侵任那。以來日皇子為征新羅將軍率兵討新羅。

十一年癸亥來日皇子至筑紫病薨。詔當麻皇子代往。不果行。

十二年甲子春正月。始用曆日。賜冠位於羣臣。冠六品。曰德仁禮信義智。各有大小。凡十二階。改制朝禮。頒憲法十七條。

十三年乙丑詔皇太子造銅繡夾六佛像各一。高麗獻黃金三百兩。

十五年丁卯遣大禮小野妹子於隋。

十六年戊辰夏。隋使裴世清與來。秋。以妹子為大使。難波雄成為小使。率學生高向玄理南淵請安及僧旻等。與世清俱如隋。

十七年己巳妹子等至。

二十六年戊寅高麗朝貢獻隋俘。

二十八年庚辰敕皇太子大臣蘇我馬子等撰天皇紀。國記及臣連伴造國造等百八十部。

二十九年辛巳春。皇太子厩戶覺謚曰聖德太子。所

建寺四天王法隆法興等凡十一所諸臣競倣之有寺凡四十六所僧尼凡一千三百八十餘人

三十一年癸未新羅復侵任那遣大德境部雄麻呂

等將兵代之新羅降是歲自春至秋霖雨大水

五穀不登

三十二年甲申置僧正僧都檢校僧尼不法

三十四年丙戌大饑盜賊起夏五月蕪我馬子薨

六月雪夏以蕪我蝦夷為大臣蝦夷馬子子

三十六年戊戌春三月天皇崩秋九月葬推古天

皇蕪我蝦夷殺境部摩理勢立田村皇子為嗣

帝臨崩召故皇太子山背王囑後事蝦夷矯遺

詔欲立田村羣臣莫敢異議獨摩理勢不可故殺

之

舒明天皇

諱懸長足日廣額稱田村敏達孫父押坂彥人大兄皇子母糠手媛

元年己丑春正月天皇即位蕪我蝦夷為大臣如

故

二年庚寅春立寶媛為皇后冬遷居飛鳥岡號岡

本宮。是歲遣大仁犬上御田耜等於唐。

三年。辛卯百濟王義慈使其子豐璋來質於我。

四年。壬辰御田耜等至。唐使高表仁與來。

五年。癸巳表仁歸。遣吉士雄麻呂等送至對馬。

八年。丙申岡本宮災。遷居田中宮。

九年。丁酉蝦夷反。以大仁上毛野形名為將軍。討平


之。

十二年。庚子大設齋會。講無量壽經于宮中。是歲。

遷居百濟宮。

十三年。辛丑冬十月。天皇崩。葬舒明天皇。

日本政記卷之二



日本政記卷之四